ЭКЗАМЕН

Дугар турэлхи аеепех изложенишье. диктантшье бэшэхэдээ, «дурбэнhөө» дээшэ сэгнэлтэ абажа үзөөгүй. долоодохи Зугөөр класста **УЗЭДЭГ** бэшэ бухы абадаг. предмедуудээрээ «табые» (Урдандаа һургуулинуудай хоёрдохи шата долоон класс хүрэтэр байһан юм.) Түрэлхи хэлээрээ «табые» абахагүй гээшэ эшхэбтэр. багша Баяр йенелех Бадмаевич ТихпеачТ табихадаа, тон нарин, нэгэшье запятой алдажархёо хада «табые» табидаггүй.

Дугар мүнөөшье экзаменуудаа «табаар» угэжэ Тиигээд түрэлхи хэлээр изложени эхипэнхэй. алдуугүй бэшэхэ гэжэ бүхы дүримүүдые дабтана, тэ-дэнээ жэшээнүүдээр тайлбарилна. Бэшэхэдэ бэрхэтэй үгэнүүдые, абтаһан үгэнүүдые бэшэхэ дүримүүдые һайса дабтана. «Демократическа» гэжэ үгэ «и» дээрэ сохилтотой аад, «а» аялган һүүл бэшэгдэнэ, харин «социалистическэ» гэжэ үгэ баһа «и» дээрэ сохилтотой аад, «э» аялган һүүл бэшэгдэнэ. Эдэ хоёр хоорондоо ямар илгаатайб? Баһа учебнигээ ирана. Юрэдөө, «демократическа, социалистическэ» гэхэ мэтын адлирхуу үгэнүүдэй һүүлдэ «а» «э» хоёрой али нэгые бэшэхэ дурим бии болгохо аргагуй байһан юм гу?

Экзаменай эхилһэнһээ хойшо хүбүүнэйнгээ ондоо болошоһые эжынь үнинэй обёоронхой. Юрын үдэрнүүдтэ урогтоо бэлдэбэл, гэртэ һуудаггүй, волейбол гү, али футбол наадажа, сагаа барадаг байһан аад, мүнөө хаанашье ошонгүй, ном дээрээл һууна, ганса нэгэ уһа асарна, түлеэ хахална.

- Эжы, гол дээрэ ошохом гү? гэжэ нэгэтэ Дугар асууба.
- Ошо, ошо. Үглөөнhөө хойшо hууна ха юмши. Сэбэр агаарта ябажа, толгойгоо амаруулха хэрэгтэй бшуу, гэбэ эжынь.

Голой эрьеын халуун элһэн дээрэ Жамьян, Дугартай

хамта һурадаг һурагша, оодон үмдөөр хэбтэбэ.

- Дугар, һэрюусэхэеэ ерэбэ хаяаш?
- Эсэшооб! Ши экзамендаа бэлдэжэ дүүргээд, амаржа байна гүш?
- Түрэлхи хэлээ мэдэхэгүй hэн гүб даа. Хоёр үдэр яhала амаржа байнаб.
- Би түрэлхи хэлээ муугаар мэдэдэг аад, энэ хоёр үдэр соо hуугааб. Экзамендаа үшөө бэлэн болоодүйб,— гэжэ Дугар енгүүтэйгээр дуугараад, хубсаhаа тайлажа оробо.
- Хараад байгаарайш: бэлдээгүйшье haa, «табые» абахаб,— гээд, Жамьян уha руу hүрэнэ. Дугаршье хойноhоонь орожо, уha сагаалхюулан сэсэргэжэ, урагша хойшоо тамарна.

Экзаменай үдэр ерэбэ. Һурагшадай класста орожо, һууринуудаа эзэлэмсээр, Баяр Бадмаевич тамгатай хуудаһануудые һурагшадта тараана. Экзаменационно комиссиин түрүүлэгшээр һууһан һургуулиин директор болон ассистент улаан сэмбэ хушалтатай столдо һуури эзэлнэ.

Багша изложениингээ текстые ойлгосотойгоор, аалиханаар хоёр удаа уншаад, зарим үгэнүүдыень тайлбарилна. Һурагшадшье бэшэжэ ороно.

Уданшьегүй Жамьян Дугарай тохоногые түлхибэ. Ямар түбэгтэйгөөр түлхинэ гээшэб! Ассистент хаража һууна ха юм. Баяр Бадмаевич харажархиг даа... Али Жамьян зорюута Дугарта һаад ушаруулха гээ гү?

- Бү түлхи, харажархюужа,— гэжэ Дугар hанаагаа зобонгёор шэбэнэбэ.
 - Харал даа, энэ зүб бэшээ гүб? гэбэ Жамьян.

Өөрөө яаншьегүй hуугаад, багшада hэжэглүүлхэ гээшэ юунhээшье доро. Нэгэл hэжэглээ hаа, гурбан час соо шинии хүдэлхэ бүхэниие хаража hууха ха юм. Энэ Жамьян юугээ бэшээд, баhа түлхинэб, ямар убайгүй гээшэб. «Тамараба». Энэ глаголые бэшэжэ шадахагүй юм аал? Глаголой hуурида хоёр үеhөө хойшо залгалта залгахада, «р, л» хашалгануудай хойно «и»-hээ бэшэ түргэн аялган hүүлнүүдынь унадаг лэ.

Юуень бэшэжэ ядаа юм. Бэшэжэ үгэлтэй гү, али яалтай гээшэб? Нүхэдэйнгөө бэрхэшээлдэ ороод байхада, туһа хүргэжэ, абарха хэрэгтэй гэжэ багшанаршье хэлэдэг лэ.

Дугар «тамарба» гэжэ бэшээд, һэмээхэнээр, хэндэшье мэдүүлэнгүйгөөр, Жамьянда зүүн гараараа үгэбэ, тиихэдээ өөрөө комиссиин стол тээшэ хараад һуу-ба. Үгы даа, хэншье хараагүй.

Дугаршье изложениингээ харые бэшэжэ дүүргэхэ болобо. Сагаалжа бэшэхынгээ урда тээ тэрэнээ хэдэн удаа уншаад, буулгажа оробо.

Жамьян баһа тохоногыень түлхеэд, саарһа һарбайба. «Һэлюурнэй». Энэнь «манай һэлюур» гэһэн удхатай сложно үгэ ха юм. «Манай» гэжэ үгэнь нэгэдэхи нюурай хамаадалай залгалта боложо, «һэлюурнай» гэжэ бэшэгдэхэл. Жамьян хамаадалай залгалта бэшэхэ дүрим мэдэхэгүй байба гээшэ гү? Этигэхээр бэшэл. Үгы даа... үгы... Өөрынгөө толгойгоор бэшэг.

Жамьян бүришье ехээр гарынь хүдэлгэбэ. Бушуу сагаалжа бэшээд, хүдэлмэреэ тушааха хэрэгтэй. Баяр Бадмаевич мүнөөшье hануулаагүй haa, хожом хажуудашни ерээд: «Дугар, Жамьяниие абарааб гэжэ сээл уруу түлхеэш»,— гэжэрхиг даа. Ямар нюураар багшынгаа урдаhаа хараха бэлэйб?! Али Жамьянда туhалааш гэжэ сэгнэлтыемни доошонь болгог даа... Энээншьегүйгөөр арай шамай дүрбые абана ха юмбиб...

Түрүүшын һурагшанар хүдэлмэреэ тушаажа, эндэ тэндэ һаршаганаан боложо эхилнэ. Дугаршье хүдэлмэреэ тушаажа, ямар нэгэ хүндэ ашаа нюрганһаа буулгаһандал болобо.

Обедэй һүүлдэ Дугарай һургуулидаа ерэхэдэ, һурагшад сугларжа байба. Хэн ямараар бэшээ хаб гэжэ таамаг хөөрэлдэнэд. Баяр Бадмаевич нэгэ хуудаһа барижа, волейбол наадажа байһан үхибүүдэй хажууда ерээд, сэгнэлтэнүүдыень уншажа үгэбэ.

— Таанар түрэлхи хэлэеэ һайнаар мэдэнэт. Олон хүн «таба» гэһэн сэгнэлтэ абаа. Жамьяншье табые абаха

байһан аад, «һэлюурнай» гэжэ тон юрын үгэ бэшэжэ шадахагүй байшоо... Жамьян энээнээ өөрөө ойлгожо, юу хэхэеэ мэдэнэ ааб даа. Зай, иигээд гэртээ ошожо амарагты, — гээд, Баяр Бадмаевич һургуули руугаа оробо.

«Гурбые» абаһан хүн үгы. Дугар дээдэ сэгнэлтэ абаа. Хэрбээ Дугарай «һэлюурнай» гэжэ бэшэжэ үгөө һаа, Жамьяншье табые абаха байгаа.

- Дугар, шимнай һүрхэй хүн байналши; «табые» абаһандаа толгойгоо үргэшэбэ хаяаш,— гэжэ Жамьян гэртээ бусажа ябахадаа, Дугарые галхааба.
 - «Дүрбэшье» муу сэгнэлтэ бэшэл даа.
- Гм, бэшэл даа, бэшэл даа. «Һэлюурнай» гэжэ бэшэжэ үгөө һаашни, «табые» абаха байгааб.
- Жамьян, намда хоролхохо юумэн үгы. Шинии үзэhэн дүримөө мэдэхэгүй, экзамендаа бэлэдхэлгүй ябахада, би зэмэтэй аалби?
- Эх, нүхэрби, нүхэрби гэхэш. Нүхэртөө иигэжэ туһалдаг юм бы? гээд, Жамьян сухалтайгаар гэр тээшээ ябашаба.
- Жамьян, залхуурангүй, номоо үзэхэ хэрэгтэй,— гэжэ Дугарай хашхарhые дуулаа гү, үгы гү?